

Ističe vrijeme za pregovore o reformi policije

U vezi sa prekidom institucionalnih pregovora o reformi policije do ponedjeljka, visoki predstavnik je upozorio da ističe vrijeme preostalo za postizanje sporazuma. Sporazum o reformi policije mora biti postignut kako bi BiH prije desete godišnjice Dejtona mogla da dobije zeleno svjetlo za početak pregovora o Sporazumu o stabilizaciji i pridruživanju, rekao je visoki predstavnik.

Sinoć je Evropska komisija ponovila tri principa prema kojima se očekuje postizanje sporazuma o reformi policije. To su: osiguranje da su ekskluzivne kompetencije u vezi sa policijom na državnom nivou; eliminisanje političkog uplitanja u rad policije i određivanje policijskih regija na osnovu tehničkih i profesionalnih kriterija.

“Posljednjih jedanaest mjeseci ovi principi su poznati vlastima. Oni su kristalno jasni. Oni se neće promijeniti. Oni koji pokušavaju da ponovo pregovaraju o ovim principima ne razumiju dinamiku EU integracija”, rekao je visoki predstavnik.

“Taktika odlaganja samo će zadržati prijem BiH u EU. Ili će predstavnici Republike Srpske pregovarati u dobroj volji, na osnovu tri kriterija, ili će kapije EU ostati zatvorene”, dodao je visoki predstavnik.